



# **ATUARAKETIP IMARISAANUT SULIASSAT: NUKARLIIT**

## **IMAI**

Atuaraketip imaasa nukarlernoortut eqikkarneri / 2  
Book creatorimi aamma bookiemi suliassat digitaliusut / 2

**Book Creatorimi imaluunniit Bookiemi 'Fakta om Ghana'-mut suliassat / 2**

**Sheillap allaatigineqarnerata suliassartai / 3**

Sheillap ulluinnarni inuunera assingorlugu – assit atorlugit oqaluttualiorneq aamma allataq  
atuagaliarinqarsinnaavoq imusanngorlugu (rullebog) / 3  
Sooruna atuarfiup pitsaasuunissaa pingaaruteqartoq? / 3  
Book Creatorimi imaluunniit Bookiemi suliassat / 4  
Pinnguaat ampe ilinniarsiuk / 5  
Ghanamiutut nerisassiorneq / 5

**Naatsukullaliap "Eqa Ukalu"-p suliassartai / 5**

Oqaluttuamik misissuineq – oqaluttuami inuttat / 5  
Suut tamarmik akeqarput. Illumut taamaappa? / 5  
Book Creatorimi Bookiemiluunniit suliassat / 6

**Ezekielip allaatigineqarnerata suliassartai / 6**

Book Creatorimi aamma Bookiemi suliassat / 6  
Ikinngutaalluartoq qanoq ittuaa? / 6  
Ezekielip apeqqarissaarfigineqarnera / 7  
Imeq pinngitsoorneqarsinnaanngitsoq I / 7  
Imeq pinngitsoorneqarsinnaanngitsoq II / 7  
Nipilersorneq qitinnerlu / 8  
Ghanami uumasut paasisassarsiorfigalugit / 8  
Atuarfimmi iligiiaarluni unammineq – uumasut sukkaniunnerat / 9

**Nunat anguniagaat 4: Atuarfik pitsaassusilik pillugu suliassat / 9**

Book Creatorimi imaluunniit Bookiemi suliassat (qallunaatoorput) / 9

**Naligiinnginneq minnerusoq pillugu nunat anguniagaat 10-mut suliassat / 10**





## **ATUARAKETIP IMAASA NUKARLERNOORTUT EQIKKARNERI**

**Sheilla** 8-nik ukioqarpoq. Sabobami ilaqtannilu najugaqarput. Illoqarfimmini Sheilla 3. klassimi atuartuuvuq. Tuluttoorneq atuarfimmi nuannarinersaavaa. Anitsiarfimmi ampe pinguaatigisarpaat. Angerlarsimaffimmini igaffissani kukoriarlugu nerisassiortarpoq, nerriviliorluni erruillunilu. Suliani naammassigaangamigit tv isiginnaassallugu nuannarisarpaa.

**Eqa Ukalu** oqaluttuami ikinngutigii atuaqatigiit atuariarlutik ingiaqatigiittut imarai. Atuarfimmi kisitsineq, atuarneq, allanneq ikioqatigiinnerlu ilinniarpaat. Ullulli ilaanni atuarfimit soraarlutik angerlaramik paasivaat taseq, Eqap najugaqarfigisaa, mingutsinneqarsimasoq. Qujanartumilli ikinngutigii uumasunit allanit ikiorneqarput, taamaalillutillu Eqakkut ilaqtariit tassani najugaqaannarsinnaangorput.

**Ezekiel** 8-nik ukioqarpoq Nawunimilu 2. klassimi atuartuulluni. Illoqarfik kuussuup sinaaniippoq. Tamaani Ezekiel ilaqtannilu najugaqarput. Ilaqtariit kuussuarmi aalisarneq inuussutigaat. Ezekielip sapaammi naalagiarneq, isikkamik arsarneq, pinguarneq qitinnerlu nuannareqai. Aamma biileeraliullaqqeqaaq. Ikinngutinilu Ebenezer qillertuaqqat atorlugit biileeraliortarput.

## **BOOK CREATORIMI AAMMA BOOKIEMI SULIASSAT DIGITALIUSUT**

SkoleTubemi atortunut Book Creatorimut aamma Bookiemut digitaliusumik bogskaloni sularineqarnikuuvuq, tassani atuartut AtuaRaketip/LæseRakettenip imai multimodaliusumik sularisinnaavaat. Skabelonimiippat atuakkap nukarlernut imarisaasa suliassartai, aamma LæseRakettenip imai, aamma videot assillu. Skabelonit aaqqissuunneqarsinnaapput naleqqussarneqarlutillu apeqqutaalluni atuartuutivit suliassat qanoq amerlatigisut sularissaneraat. Skabelonimi atuakkap imaani kapitalit ataanni tamani suliassat nassuiarneqarsimasarput.

### **Imaaliussaait**

Atuarfivit Book Creator imaluunniit Bookie atorneraa apeqqutaalluni 'bibliotek'-ki atugassat ammassavat. Nittartakkami linki nassaariuk ilitsersuullu una malillugu (qallunaatut allataq):

<https://heleverdeniskole.dk/opgaver-i-skoletube/>

### **Book Creatorimi imaluunniit Bookiemi 'Fakta om Ghana'-mut suliassat**

"Her er Ghana" qupp.4-5-imi bogskabelonimi digitaliusumi, Book Creatorimi aamma Bookiemi nukarliit sammisassaanni atuartut Afrikap nunataanut assinik atugassaqarput. Ghana nunap assingani nalunaaqutsersimavoq. Suliassat tassaniittut (qallunaatoortut) sularissagunikkit AtuaRaketimi/LæseRaketenimi qupp. 9 (bogskabelonimi qupp. 3) atuaqqaassavaat. Kingorna atuartut Ghana pillugu apeqqutit 4-t akissavaat. Suliassaq allangortinneqarsinnaavoq atuartut piginnaasaannut naleqqussarlugu. Aamma 'atuakkami' quppererit ilaneqarsinnaapput. Uani nassaarisinnaavat (qallunaatut): <http://heleverdeniskole.dk/opgaver-i-skoletube/>





## **SHEILLAP ALLAATIGINEQARNERATA SULIASSARTAI**

Sheillap AtuaRaketimi/LæseRakettenimi allaatigineqarnera atuartut atuassavaat, atuffatissapput imaluunniit qallunaatuaa app'imi tusarnaarsinaavaat uani:

<https://heleverdeniskole.dk/laeseraketten-i-det-nordlige-ghana/>

Nittartakkami Sheillamut tunngasut filmit assillu takusinnaavasi: <https://heleverdeniskole.dk/sheilla/>  
Taakku aamma Book Creatorimi aamma Bookiemi 'indskolingen'-imoortuni bogskabelonimi digitaliusumiipput.

## **Sheillap ulluinnarni inuunera assingorlugu – assit atorlugit oqaluttualiorneq aamma allataq atuagaliarinqarsinnaavoq imusanngorlugu (rullebog)**

- Atuartut aperikkit Sheillap allaatigineqarnerani suut eqqaamaneraat. Atuartut Sheillamut tunngasunik sisamanik titartaassapput. ass.titartassavaat qulequttanit ukunanngaanneersut: atuarneq, suliassat, sunngiffik nerisassallu.
- Atuartut qinnuigikkit namminneq ulluinnarni inuunermittit pisartunik sisamanik titartaassasut.
- Atuartut assiliatik/titartakkatik saqqummiutissavaat, taava aperikkit namminneq inuunerat Sheillallu inuunera sutigut assigiinngiffeqarnersut sutigullu assigiiffeqarnersut.
- Atuartut aamma Sheilla pillugu imusamik atuagaliorsinnaapput titartakkatik nipputiteriarlugit ass. køkkenrullep imuffikuanut imullugit. Pappiaqqap isuata aappaa køkkenrullemit nipputeriarlugu sinnera immullugu.

## **Sooruna atuarfiup pitsaasuunissaa pingaaruteqartoq?**

Sheillap oqaluttuaraa anaanani nunaqqatiminik inersimasunik allanit pulaartoqakulasoq. Oqalligisaraallu qanoq atuarfik pitsanngorsarsinnaanerlugu. Atuaqatigiit imaluunniit eqimattakkaarlutik apeqqutit tulliuuttut oqalligisinnaavaat:

- Sheillap atuarnini qanoq igaa?
- Sheillap arnaata atuarneq qanoq isumaqarfigineraa eqqoriarsinnaavisiuk?
- Sooruna atuartut isumaqartut atuarnissaq pingaaruteqartoq?
- Qanoq isumaqarfigaasiuk nunarsuarmi meeqqat ilaasa atuartuunnginnerat imaluunniit atuarfimmi ilikkagaqarpiarneq ajornerat?
- Sunamita peqqutaalluni meeqqat ilai atuarneq ajortut?
- Atuanngitsummita ullormut sulerisarpat?
- Ilissi atuarneq ajoraluarussi ullormummita sulerisassagaluarpisi?
- Qanoq isumaqarpa 'ilinniagaqarnissaq pisinnaatitaaffiuvoq'? Aamma meeqqat 67 millionit atuartuunnginnerat qanoq isumaqarfigaasiuk?

Nunat anguniagaasa 17-it nunarsuarmi meeqqat tamarmik pitsaasumik ilinniagaqarnissaat ukkatarat. Nunat anguniagaat 4 nipituumik atuarsiuk: <https://heleverdeniskole.dk/verdensmaalene/maal->





[4-kvalitetsuddannelse/](#) kalaallisuaa uaniippoq: <https://anguniakkavut.gl/>, aamma oqallisigisiuk pitsaasumik ilinniagaqarneq qanoq isumaqarnerseq.

Atuaqatigiinni brainstormersinnaavusi atuarfik pitsaasoq qanoq ittuunersoq taaguillusi. Atuarfik pitsaasuusappat ilinniartitsisunut atuartunullu suut naatsorsuutigisariaqarpat? Aamma atuartut oqallisigisinnaavaat namminneq atuarfimminni suut pitsaasuunersut suullu pitsaanagerusinnaanersut. Atuartut pingaarnerpaatut isumaqarfiginerlugit isumaqatigiissutigissavaat, kingornalu "atuarfiup uummatai" /"god-skole-hjerter" sanallugit. Ilisserutit/skabelonit uaniipput (qallunaatut): <https://heleverdeniskole.dk/aktionsugen-2023/>

## Book Creatorimi imaluunniit Bookiemi suliassat

Book Creatorimi Bookiemilu nukarlernut (indskolingen) digitale bogskabelonimi atuartut suliassat uaniipput:

**Side 6-7: Her skal de møde Sheilla (Uani Sheilla naapissavaat):** Sheilla pillugu atuassapput + videokkut ilisaritinnera.

**Side 8-9: Postkort fra Sheilla (Sheillamit allakkat):** Sheillamit allakkat allassavaat. Postkortimi allakkat nipituumik atuassavaat fil-inngorlugillu immiullugit.

**Side 10-11: Postkort til Sheilla (Sheillamut allakkat):**Atuartut Sheillamut postkortimut allassapput. Assinik titartakkanillu ilanngussissapput. Postkortimut allatatik nipituumik atuassavaat fil-inngorlugillu immiullugit.

**Side 12-13: I skole med uniform (uniformilerluni atuarneq):** Atuartut uniformii oqaluttuami pingaaruteqaqaat. Atuartut namminneq atuartutut uniformissamik ilisserutissaat sularissavaat. Titartagaasa/ilisserusiaasa assilineri atuakkamut (bogskabelonimut) ilineqassapput.

**Side 14-15: Vi leger sammen (pinnguaqatigiippugut):** Oqaluttuaq aallaavigalugu pinnguaatit sammeneqassapput, oqaluttuami Sheillap ikinngutaasalu ampe pinnguaatigaat. Atuartut oqaluttuassapput nipit assillu atorlugit.

**Side 16-17: Vi hjælper til derhjemme (angerlarsimaffitsinni ikiuuttarpugut):** Angerlarsimaffimmi suliassat sammeneqassapput.

**Side 18-19: Jeg hjælper til (ikiuuttarpunga):** Oqaluttuaq aallaavigalugu atuartut namminneq angerlarsimaffimminni qanoq ikiuuttarnertik oqaluttuarissavaat.

Suliassat nassaarisinnaavatit uani (qallunaatut): <https://heleverdeniskole.dk/opgaver-i-skoletube/>

## Imminut oqaluttuaraluni Sheillamut postkortimut allanneq

Ukiorpasuarni meeqqat ilaannut LæseRakettenimiittunut/AtuaRaketimiittunut allannissaq periarfissaasarpog. Ukioq manna Sheillamut postkortimik nassiussisinnaavusi. Atuartut kusanartunik titartagartalerlugit imminullu oqaluttuaralutik allassinnaapput, aamma meeqqat Ghanamiut pillugit atuarluni qanoq iginerlugu oqaluttuarisinnaavaat. Sheillap allakkat atuarsinnaaniassammagit tuluttut allakkunik pitsaassaaq. Paasisaqarnerusinnaavusi uan (qallunaatut)ji:

<https://heleverdeniskole.dk/send-post-til-ghana/>





### **Pinnguaat ampe ilinniarsiuk**

Sheillap ikinngutaasalu ampe pinnguaatigisarpaat atuarfimminni angerlarsimaffimminnilu. Qanoq pinnguaatigineqartarnersoq takusinnaavarsi uani: <https://heleverdeniskole.dk/laer-lege-ampe/>

### **Ghanamiutut nerisassiorneq**

Ghanamiut nerisassiornerannut najoqqutassiat nassaarisinnaavasi uani (qallunaatut): <https://heleverdeniskole.dk/lav-mad-fra-ghana/> Immaqa nerisassiat ilai sanariarlugit angajoqqaasi imaluunniit atuaqatigiit allat nereqatigisinnaavasi.

## **NAATSUKULLALIAP "EQA UKALU" -P SULIASSARTAI**

Atuartut oqaluttualiaq "Eqa Ukalu" atuassavaat, atuffatsinnaapput imaluunniit qallunaatuaa uani tusarnaarsinnaavaat app-imi: <https://heleverdeniskole.dk/laeseraketten-i-det-nordlige-ghana/> Aamma Book Creatorimi Bookiemilu ippoq tamakkerluni bogskabelonimi digitaliusumi indskolingen-imi (nukarlernut).

### **Oqaluttuamik misissuineq – oqaluttuami inuttat**

Atuaqatigiit oqaluttuami inuttat pillugit oqaloqatigikkitt (inuit uumasullu) allattarfissuarmullu allattorlugit.

- Atuartut inuttanut tamanut ataasiakkaanut naleqquttunik ordkortiliorsinnaapput, Ass. isikkui, qanoq issusaat, nukittuffii/sanngiiffii ... Ordkortit eqimattani minnerni suliarineqarsinnaapput.
- Atuartut ordkortiliaminnut oqaluttuap allagartaani assiliartaanilu 'inuttamik oqaluttuarinnittumik' nassaassapput ordkortiliaminnut ikkutassaminnik.
- Ordkortit allattarfissuarmi 'inuttap' ataanut iliorarneqassapput.
- Atuartut Ordkortiliaminnut allatatik assiliartaliussatillu saqqummiutissavaat.
- Atuartut inuttanut 'ordkortiliussaasa' assigiinngissusaat assigiissusaallu oqallisigisigit.
- Atuaqatigiinni oqallisigisiuk oqaluttuami inuttat ilaasa inuunerat ilaasalu uumasuunerat arlaannik sunnuteqarnerseq.
- Atuartut oqaluttuamik allanik nalunngisaqarpat - uumasunik inuttut piginnaasaqartunik imaqtumik aamma uumasut inuillu oqaloqatigiissinnaanerannik imaqtumik?

### **Suut tamarmik akeqarput. Ilumut taamaappa?**

Atuartut oqaluttuaq atuareerpassuk quppernerit ilai uterfigisinnaavasi. Atuartut suliassat kisimiillutik imaluunniit allamik ilaqarlutik suliarisinnaavaat.

- Qupp. 23, 26, aamma 30 quppersigit. Allatami oqaaseqatigiit akiliinermut tunngasut – aamma akeqanngitsumut tunngasut nassaarisigit.
- Oqaaseqatigiit allattaavinnut, pappiaqqamut imaluunniit qarasaasiamut allassigit.
- Atuartut oqaluttuami akeqartunut/akeqanngitsunut tunngasut qanoq isumaqarfigaat?





- Atuaqatigiinni oqallisigisiuk suut akeqanngitsut aamma ikioqatigiinneq arlaannik assigiinngissuteqarnersut.

### **Book Creatorimi Bookiemiluunniit suliassat**

Book Creatorimi aamma Bookiemi Bogskabelonimi digitaliusumi nukarlernoortumi (indskolingen) qupperneqarpoq sisamat "Eqa Ukalu"-p (Fisk og Bente) suliassartai:

**Side 20-23: Fisk og Bente (Eqa Ukalu):** Atuartut oqaluttuaq 'Eqa Ukalu' oqaluttuareqqissavaat quppernemi assit aallaavigalugit. Nipit assillu atorsinnaavaat.

**Side 24-25: Mig og min klassekammerat (Uanga atuaqatigalu):** Tassani atuartut namminneg oqaluttualiussapput. Atuartoq imminut atuaqatinilu uumasooq pillugit oqaluttualiussaaq (soolu Eqa Ukalu).

Suliassat nassaarisinnaavatit uani (qallunaatut): <https://heleverdeniskole.dk/opgaver-i-skoletube/>

### **EZEKIELIP ALLAATIGINEQARNERATA SULIASSARTAI**

Atuartut AtuaRaketimi/LæseRakettenimi Ezekielip allaatigineqarnera atuassavaat, atuffatsinnaapput imaluunniit namminneg qallunaatuua uani tusarnaarsinnaavaat app'imi:

<https://heleverdeniskole.dk/laeseraketten-i-det-nordlige-ghana/>

Nittartakkami Ezekiel pillugu filmit assillu takusinnaavasi uani: <https://heleverdeniskole.dk/ezekiel/>

### **Book Creatorimi aamma Bookiemi suliassat**

Book Creatorimi aamma Bookiemi Bogskabelonimi digitaliusumi atuartut suliassat nassaassaasut ukuupput (qallunaatut):

**Side 28-29: Her skal I møde Ezekiel** (Uani Ezekiel naapissavarsi) Tassaniippoq Ezekielip allaatigineqarnera aamma videoliarineqarnera.

**Side 30-33: Ezekiel og fiskene** (Ezekiel aalisakkallu): Ezekielip aalisarneq nuannareqaa. Atuartut Ezekiel ataatanilu aalisartut titartassavaat.

**Side 36-39: Vennebog:** Atuartut Ezekielimut aamma imminnut tunngasumik vennebogiliussapput. Suliassat tamaasa nassaarisinnaavatit uani (qallunaatut):

<https://heleverdeniskole.dk/opgaver-i-skoletube/>

### **Ikinngutaalluartoq qanoq ittuua?**

Ezekielip ikinngutiginerpaasaa Ebenezerimik ateqarpoq. Atuaqatigiipput atuarfimmilu ikioqatigiittarlutik. Pisinnaagaangamillu pinnguaqatigiittuaannarput. Atuartullu oqalligisigit uku:

- Sooruna pitsaasunik ikinnguteqarneq nuannersuusooq?
- Ezekiel qanoq ittuugamiuna ikinngutaalluartuusooq?





- Inuit qanoq ikiorneqarsinnaappat kiserliortutut misigissanngippata? Allat ikinngutitaarnissaannut ikiorneqarsinnaappat?
- Atuartut ordkortiliorsinnaappat oqaaseqatigiinnik allattuiffissaminnik, aallaqqaatilinnik ima: "Ikinngutaalluortoq tassaavoq ..."
- Ordkortiliat tamaasa nivinngariarlugit qulit pingaartinnerpaasassinnik imaqartut toqqarsinnaavasi.
- Ikinngutigiinnerup orpianik sanasinnaavusi taakkulu ordkortit toqqakkasi tassunga nivinngarlugit. Orpik plancheamut qalipanneqarsinnaavoq imaluunniit aamma orpiup kanaartaanik atorsinnaasassinnik nassaarsinnaavusi.

### **Ezekielip apeqqarissaarfigineqarnera**

Ezekielip allaatigineqarnera atuareerussiuk Ezekiel pillugu paasisaqangaatsiassaasi. Aammali ilai tusanngilasi. Ezekiel 'issiavimmut kissalaartumut ingiteriarlugu' apersorsinnaavarsi.

- Atuartut tamarmik 3-5-inik apeqqusiorsinnaapput. Apeqqutit aamma eqimattani suliarineqarsinnaaput.
- Marlussoriarlusi atuartut 'issiavimmiittut' taarsertarlugit apeqqarissaarsinnaavusi. Pingaaruteqarpoq atuartut 'issiavimmiittut' meeqqat atuakkami allaatigineqartut pillugit paasisaqarluarsimanissaat.

Apeqqarissaarneq naammassippat atuartut apeqqutaat apeqqutillu akissutaat eqikkarsinnaavasi. Tamatuma kingorna apeqqarissaarnermi paasisartik pingaarnerusutut isigisartik pillugu atuartut Ezekielimik allaatigisaq nangillugu immikkoortumik ataatsimik ilallugu allassinnaapput imaluunniit titartaasinnaapput. Kisimiillutik, aappalerlutik eqimattaqqaniluunniit allassinnaapput.

### **Imeq pinngitsoorneqarsinnaanngitsoq I**

Nawunimi amerlanerpaat kuuk inuussutissarsiorfigaat. Ilaat kuup sinaanut sioqqanik aallertarput qarmasissialiassaminnik. Ilaat Ezekielikkutut aalisartuupput. Allat erngup imeqarfimmut pinissaa, tassanilu salinneqariarluni tamaani aamma illoqarfissuarmi najugalinnit imerneqarsinnaanngornissaa isumagisarpaat.

Atuartut namminneq angerlarsimaffimmini imeq sumut atortarneraat oqaloqatigikkit. Sooruna minguitsunik imigassaqaarissaq pingaaruteqartoq? Atuaqatigiit stafetersinnaapput, tassani imeq qattamiit qattamut nooqattaarsinnaavaat. Atuartut iligijaaarlugit agguassapput. Imeq namminneq qattamiit qattamut nooqattaassavaat. Qanoq ilillutik imeq sapinngisamik sinaanut kuutitsinaveersaarlutik nussuisinnaappat?

### **Imeq pinngitsoorneqarsinnaanngitsoq II**

Imeq sammeqqilaarallassavarput. Suliassat atuartut marlukkaarlutik eqimattaqqaniluunniit suliarisinnaavaat.

- "Kuuk aalisarfigalugulu imeqarfialugulu inuussutigaarput.", Ezekiel AtuaRaketimi qupp. 33-imi taama oqarpoq.



- Ezekielikkut nunaqqataasalu kuuk imerlu sumut atortarneraat tulleriarlugit allattorsigit.
- Ilissi illoqarfissinni imeq sumut atortarnerlugu assinganik (listiliorlusi) allattuigitsi.
- Ezekielikkut eqqaaniittoq kuuk pillugu paasisaqarnerorusukkussi una atuarsinnaavarsi atuffatsissinnaallusiluunniit (qallunaatut) <https://heleverdeniskole.dk/volta-floderne-og-soeen/>
- "Koop paarilluarnissaa pingaaruteqarpoq," AtuaRaketimi Ezekiel qupp. 40-mi taama oqarpoq.
- Marlukkaarlusi imaluunniit eqimattaqqani qanoq kuuk paarilluarneqarsinaanersoq oqallisigisiuk – tamatumunnga siunnersuutisi allattussavasi.
- Nittartakkami quppernerit tulluuttut takusinnaavasi:  
<https://heleverdeniskole.dk/til-eleven/ghana/det-vigtige-vand/> aamma  
<https://heleverdeniskole.dk/udvinding-af-sand/> - taakku ataatsikkut atuarsinnaavasi atuffatsillusiluunniit (qallunaatoorput).
- Nittartakkami atuareernissi kingorna tulleriarlugit allattukkasi (listiliarsi) allanik ilassaqaalissappat?

### **Ezekiel Ghanamiinninni pulaarakku**

Suliassat tulluuttut aallaavigalugit atuartut Ezekiel oqaluttuarisinnaavaat. Allassinnaapput, 'oqalugiarlutik' saqqummiussinnaavaat, raatiukkut aallakaatitassaliarisinnaavaat mobilimut immiullugu imaluunniit allatut atuartut namminneg toqqagaattut.

### **Ezekiel nunallu anguniagaat**

Suli suliart ingerlateqqilaarusukkussigit nunat tamalaat anguniagaat misissorsinnaavasi artikelilu panernersuarmut qarsutsisarnermullu tunngasoq nittartakkamiittoq takullugu, ukunani (qallunaatut):  
<https://heleverdeniskole.dk/verdensmaal-13-klima-i-ghana/>  
<https://heleverdeniskole.dk/til-eleven/ghana/toerke-og-oversvoemmelse/>

### **Nipilersorneq qitinnerlu**

Ezekielip qitinnerq nuannareqaa. Akkani højtalererujussuit atorlugit nipilersoraangat ilaqutariit tamakkerlutik qitittarput. Ezekielip nipilersuutit qitissallugit nuannarisaasa ilai uani tusarnaarsinnaavasi: <https://heleverdeniskole.dk/musik-og-dans/> Eqimattaqqani qitinnermi aalariaatsinik sisamanik qititassanik suliaqassapput. Naammassigunik atuaqatitik aalariaasiliaminnik ilinniartissavaat.

Qitinnermut isumassarsiorfissaqqissut musikvideot videollu arsarnermi isertitsisoqaraangat pissusilersuutigineqartartut ilai takusinnaavasi uani: <https://heleverdeniskole.dk/fodbold-i-ghana/>

### **Ghanami uumasut paasisassarsiorfigalugit**

Atuartut Ghanami uumasut nunalu pillugit atuarsinnaapput (qallunaatut):  
<https://heleverdeniskole.dk/dyr-og-landskaber/> Uumasut oqallisigisigit – suut ilisarnaatigaat?  
Atuartut eqimattanut agguariarlutik uumasumik saqqummiinissaminnut piareersassapput.







Atuartut misissorsinnaavaat:

- Sumi uumasuunersaq
- Isikkua
- Angissusaa
- Nerisartagai
- Kinguaassiortarnera
- Allat

Ataatsimoorlusi assiliamik angisuumik qalipaasinnaavusi - nuna narsartarsualik, kuulik, qaqqalik illoqarfeeralillu aamma uumasut assigiinngitsut inuuffigisaasa nalaannut iliorarlugit. Atuartut uumasut qalipassavaat imaluunniit kuukooriarsuaq nittartakkamit aaneqarsinnaasooq qalipassinnaavaat.

### **Atuarfimmi iligiiaarluni unamineq – uumasut sukkaniunnerat**

Ghanamiut uumasuteqartaqaat. Ilaat angallassinermi atorluartarput, ilaat immussaqaartitsipput neqissaqaartitsillutillu. Uumasut pillugit atuarsinnaavusi uani:

<https://heleverdeniskole.dk/dyr-og-landskaber/>

Atuartut uumasut iligiiaartillugit sukkaniutsissinnaavaat – atuarfimmuut tikiuteqqaaniutsillugit.

### **Namineq uumasut sukkaniutsissigit**

Iligiiaarluni sukkaniuffissamut atussavasi suluunnaasat (kegle) assigisaalluunniit.

Sangujoraartissinnaavarsi allatulluunniit unamminarsarlugu. Atuaqatigiit iligiinnut marlunnut avissapput.

- Iligiinni marlukkaarlutik aallartassapput. Taakku inuit marluk uumasuussapput ataaseq. Marluusut namminneq toqqassavaat uumasooq sorliuniarnerlutik.
- Atuartoq 1 uumasup niaqorissavaa siorleeralugulu, atuartoq 2 timitarissavaa kingorliullunilu. Atuartoq 2 atuartoq 1-ip tunuaniissaaq. Atuartoq 2-p peqilluni atuartoq 1 naavisigut eqeqqassavaa (atuartoq 1-p naavisa nalaatigut assani imminnut tigummitissavai). Taamaalillutik uumasuulissapput ataaseq.
- "Uumasut" tamarmik ataatsikkut unammiffikkut sukkaniutissapput. Iligiiaat arlaleriassapput, aamma atuartoq 1 2-lu iniminnik paarlaattarsinnaapput, tassani apuuteqqaassagaanni suleqatigiinnissaaq pingaaruteqarpoq.

## **NUNAT ANGUNIAGAAT 4: ATUARFIK PITSAASSUSILIK PILLUGU SULIASSAT**

### **Book Creatorimi imaluunniit Bookiemi suliassat (qallunaatoorput)**

Book Creatorimi Bookiemilu bogskabelonimi digitaliusumi nukarlernoortumi (indskolingen) atuartut suliassaattulliuttut nassaarisinnaavasi:



**Side 40-41: Skolegang i Ghana.** (Qupp. 40-41: Ghanami atuarneq). Atuartut oqaluttuat pingasut assitaat aallaavigalugit oqaluttuassapput.

**Side 42-43: Min skole i Danmark** (Uanga atuarfiga): Atuartut namminneq atuarfitsik oqaluttuarissavaat. Assitalersussavaat aamma nipilissavaat imaluunniit allagartalerlugu.

**Side 44-45: Uddannelse til alle** (Ilinniagaqarneq tamanut periarfissaassaaq). Atuartut nunat anguniagaat 4 sammissavaat. Aallaqqaasiullugu "atuarfiup uummatai" sanassavaat. Kingorna uummataasat aktionsugemut atugassat sanasinnaavasi. Taakku pillugit AtuaRaketimi qupp. 48 atuarsinnaavarsi.

Suliassat tamaasa nassaarisinnaavasi uani: <https://heleverdeniskole.dk/opgaver-i-skoletube/>

## **NALIGIINNGINNEQ MINNERUSOQ PILLUGU NUNAT ANGUNIAGAAT 10-MUT SULIASSAT**

Ghanami pisuut piitsullu naligiinnginnerat annertoqaaq.

- Atuartut Ezekielip imaluunniit Sheillap ullormut suliarisartagaat, pisussaaffiilu/akisussaaffiilu oqaluttuarissavaat.
- Atuartut namminneq ullormut sulerisarpap? Qassinut makittarpap? Qassinut atuarfimmiittarpap? Atuarfimit soraaraangamik sulerisarpap?
- Atuartut pisuujunerup piitsuunerullu qanoq paasisariaqarnerat pillugu oqaloqatigikkit. Qanoq atugaqaleraanni pisuutut taaneqarsinnaalertarpap? Aamma piitsutut? Kalaallit Nunaanni Ghanamilu pisuujunermi piitsuunermilu atukkatigut assigiinngissuteqarpap?

Popcornit niaquusanut marlunnut kuikkit. Niaquusap aappaanut tamangajaasa kuikkit aappaalu immannguaannaq immerlugu. Atuaqatigiit sisamararterutaannut 1/4 -iannut niaquusaq imaqarneq tunniuguk, imakinnerlu sinnerinut tunniullugu. Atuartut qanoq qisuariassanersut utaqqimaaruk, popcornillu agguaannerat naligiinnginnermik oqallinnissamut atorlugu.

Aamma Ghanami naligiinngissuseq pillugu nunat anguniagaat 10 atuarsinnaavarsi uani (qallunaatut): <https://heleverdeniskole.dk/verdensmaal-10-ulighed-i-ghana/>

